



*La lunga palsa s'á fat sintí tla prüma de campionat. I stersc avversars da Neustift indere castigh
ë
ia a dov
ë
i la squadra ladina.*

Ince por La Val él indo gnü le moment de se mostré al publich, do la lungia palsa a gauja dla sospenjiun dla sajun de retüda. Tratan la sajun da d'isté é gnü a se dé valgünes modaziuns tla formaziun ladina, gran novité é la nōia direziun dla squadra, che ti é gnüda surandada tles mans a Costabiei Patrick da La Plí sciöche prüm alenadú, cun l'aiüt de Castlunger Albert d'Al Plan y Miribung Eppe da La Val. Sciöche prüm avversar dl rode C de 3. categoria incunta i ladins le Neustift, avversar bel ciarcé l'ann denant, che pëia ia sciöche favoric dl rode. Che al é na squadra sterscia an udü tla prüma partida, ince sce La Val ti la fata saurida de deplö momënc. Jun daimpró ia cun i avenimënc tratan la partida.

Tla prüma cherd'ora rōia i ladins cun le ce te ciamp y tēgn ci bun l'avanzada avversara. Ince val repartēnza ti gareta, chilò indere é l'ultim passaje che ne rōia nia a destinaziun. La partida se oj spo do n önescmetri cunzedü al Neustift, dēr tl dübe, che ti da coraje ai padruns de ciasa. Le bel jüch é tles mans di avversars y i ladins mēss les purvé dles dütes por tigní dalunc le palé dala porta. Le secundo gol rōia indere ala mesora, daulach sōn na ripartēnza ti sciampa l'atacant ala defenjiun y pò jì sú a tra te porta. Ince le nervosism se fej sintí y les dezijiuns

dl'arbitrer ne ti va nia jö i ladins: por se paré, ti mostra le mandl fosch plö chertes gheles ai sogadus. Al 44' ti taia ciamó le terzo gol les iames ai ladins, y chësc püch dan le pröm tēmp.

Le secundo tēmp asumiëia anfat ala prüm, cun le Neustift che drüca i ghesch te súa mezciamp. Da alzé fora la gran parada dl portier Sepl, che se destira al 60' cuntra l'incrujiada de porta a deloj te ciantun na trata de puniziun a bót sigü. Le Neustift é ciamó bun de radoplé le vantaje dl prüm tēmp, cun bëgn trëi goi, ince avantajá por fai individuai di sogadus da La Val. La partida va tosc a piz cun na devēnta miritada por i aversars, che á desmustré bel atira de avëi les chertes por fa en bun campionat! Por i ladins na bela leziun, che doss lascé na merscia costrutiva por les proscimes partidas.

Neustift – La Val 6-0

Formaziun La Val: 1. Sepl Kantioler, 2. Paolo Vallazza (dal 62^a Walter Miribung), 3. Thomas Ploner, 4. Max Nagler, 5. Ivan Tschaffert, 6. Luca Bernardi (dal 48^a Philipp Moling), 7. Michele Campeï, 8. Stefan Sottara – capitan (dal 82^a Andreas Campeï), 9. Martin Menazzi, 10. Christian Terza (dal 62^a Simon Campeï), 11. Alex Ploner (89^a Francesco Bergottini)

Proscima partida: La Val süga en duman sabeda dales 15:00 te ciasa cuntra le Wiesen

Atri resultac:

Altherren (La Val): Dietenheim – La Val: 5-0

U10 (La Val): Gitschberg – La Val: 9-1